

蛾

術

編

蛾術編卷六十九

嘉定王西莊先生原本

吳江

迨鶴壽參校
沈楫惠校刊

說制七

春王正月

閻若璩曰春秋書時胡傳以爲夏時先儒已歷歷辨析
尤莫善于鄱陽吳仲迂之言曰若從胡氏則是周本行
夏時而以子月爲冬孔子反不行夏時而以子月爲春
矣其破的如此朱子疑竹書紀年純用夏正似胡說亦
有據非也紀年爲魏史記魏出于晉當時列國惟晉擅

用夏正以左氏驗之僖五年卜偃曰其九月十月之交
乎襄三十年絳縣老人曰臣生之歲正月甲子朔皆謂
夏正杜氏亦經注出但未補明一句于時晉獨用夏正
何也注左傳在前見竹書在後故也戴震曰夏時周月
其說甚異實由于程子假天時以立義一語尹氏胡氏
蔡氏緣之而議論滋紛矣程子曰周正月非春也夫謂
周正月非夏時之春則可謂周正月周不謂之春則不
可吾友吳行先曰程子及胡氏之意周雖改正朔而周
正月之非春雖周亦只謂之冬不謂之春月爲王之正
朔可改春爲天時一定不可改孔子作春秋乃于王正

月上書春明正月當應天時之春不當如周之以天時
之冬爲正月也書春于王正月上而周正之失自明故
曰假天時以立義而胡氏又曰以夏時冠月以周正紀
事也諸儒所以辨之者俱未推得其本意且諸儒辨論
乃易明者旣天時與正朔差兩月舉二百四十二年時
月盡紛更如此程子及胡氏豈昧昧者哉夫子曰天時
有一定百王所同萬世共曉今移而加于王月之上王
爲周王則月同知爲周月而天下後世明知其月之非
春然後可以悟正月之不可不自春始苟曰冬正月則
詞不順而當行夏時周建寅爲正月明矣攷其致誤之

由蓋于殷周改月既未得其詳疑或改或不改故引伊
訓以見月之不改引史記以見時亦不改惟春秋紀事
月固改矣周改時無明文遂斷然以時爲一定不改者
也程子及胡氏旣疑經文而又得行夏之時一語遂傳
會其說以書春于王正月上爲聖人之微詞也若周改
時有明文可據必無是說矣余曰周頌臣工篇嗟嗟保
介維莫之春以孟春耕籍載耒耜措之參保介之御閒
言也實孟春而曰維莫之春箋云周之季春于夏爲孟
春諸侯朝周之春故晚春遣之所謂朝周之春者周雖
改時而諸侯朝以夏之孟月夏之孟春于周則晚春也

孔疏言朝祭之期甚明孟子秋陽以暴之趙岐注周之
秋夏之五六月盛陽也禮記明堂位孟春乘大路鄭注
孟春建子之月魯之始郊日以至孔疏雜記孟獻子曰
正月日至可以有事于上帝郊特牲云周之始郊日以
至明堂位又言季夏六月以禘禮祀周公于太廟鄭注
季夏建巳之月也孔疏若夏之季夏非祭之月其于詩
疏則曰雜記云七月而禘獻子爲之以六月爲正略舉
數事足證周改月竝改時矣胡氏引史記冬十月顧氏
旣辨之詳而其所引伊訓攷之漢律秣志明引此爲朔
旦冬至至于夏爲十一月于商爲十二月于周爲正

月此正改月之證非不改月之證左氏昭十七年梓慎

曰火出于夏爲三月于商爲四月于周爲五月以周人

言商周改月如梓慎以漢人言商周改時如陳寵皆昨

據也鶴壽案春秋聚訟莫甚于春王正月一言謂周人

胡康侯也謂時月俱不改者蔡仲默也謂改月不改時者

數言史伯璿吳淵穎等皆祖述漢人自胡傳行而夏時

冠周月之說牢不可破朱愚菴謂春秋本魯史記事之

書則說春秋者當即據春秋事爲斷經文僖五年春王

正月辛亥朔日南至昭十二年春王二月己丑日南至

杜注當在周正月失閏也使非改時與月冬至何以不

書于十一月乎昭十七年夏六月甲戌朔日有食之太

史曰日過分而未至三辰有災于是乎伐鼓用幣此月

朔當夏四月僖五年八月甲子晉侯圍上陽卜偃曰丙

之晨龍尾伏辰鵠之賁賁天策焯焯火中成軍號公其

奔其九月十月之交乎冬十二月丙子朔晉滅欒哀十

二年冬十二月癸丑日火伏而後蟄者畢今火猶西

流司秣過也杜注火伏在十月今西流是九月夫四月
日食而非書六月十月減號而書十年九月蝨而書十
二月非時月俱改之明驗乎桓十年十月雨雪十四
年春正月無冰成元年二月無冰定元年十月雨霜殺
菽如以夏正言之何足為異昭十七年星李辰梓慎
曰火出于夏為三月于商為四月于周為五月據此證
時月之改最為顯白胡氏乃云改月不改時夫子特以
夏時冠之夫謂不改時則是魯史本書元年冬正月也
四時無首令何以成正月初且不可為春十一月不可
何以戒亂臣賊子若曰冬不可為春十一月不可為正
月則先儒有說矣黃鐘初九陽之生午者一陰之生子
六呂之首陰之變也子者一陽之生午者一陰之生子
為星紀之次五星起其初日三月起其中夫律秣皆以
為首則何不可以首月乎三正迭建時無失次夏正
用木之者殷周二正用木之微者皆陽位也特孟陬
之月尤切民事故曰行夏之時而豈謂子丑必不可為
正哉秦人建亥蓋自以水德代周且木生于亥故用之
雖事不師古然改時與月實循三代之舊本紀元年冬
十月顓師古謂是太初正秣以來史臣追書蔡氏乃引
之以為不改時月之證疏矣蔡氏又引伊訓惟元祀十

有二月乙丑泰誓惟十有三年春謂時月俱不改不知
此二條九時月俱改之章章者也商人建丑十有二月
夏正之十一月也伊尹祠于先王奉嗣王祗見厥祖先
王自契至元冥以下厥祖湯也祭法殷人禘嘗而郊冥
祖契而宗湯豈非其月日至伊尹攝行郊祀配天之禮
因而陳訓太甲乎班固以三統秣推之湯伐桀之歲在
大火房五度後十三年十二月乙丑朔旦冬至其日伊
尹祀先王于方明以配上帝此其證也十有三年之春
即春王正月之春謂十一月也武成惟一月壬辰旁死
魄越翼日癸巳王朝步自周于征伐商戊午師渡孟津
癸亥陳于商郊牧野一月建子月也癸巳至戊午凡二
十六日皆在一月癸亥則十二月四日也國語伶州鳩
曰武王克商歲在鶉火日在析木月在天駟辰在斗柄
星在天蠡班固推之師方發為殷十一年戊辰在斗柄
析木箕七度其夕月在房五度斗柄也明也後三日得
正月辛卯朔合辰在斗前一度斗柄也明也後三日得
始見癸巳武王始發戊午渡孟津明日巳未冬至晨星
與婺女伏歷建星牽牛至于婺女天電之首至庚申二
月朔日也癸亥陳牧野甲子昧爽合戰此又其證也獨
何疑于春秋乎或謂幽風七月流火九月潞場等語皆

用夏正小雅春日暹暹秋日淒淒四月維夏六月徂暑
周禮山虞仲冬新陽木仲夏新陰木馮相氏冬夏致日
爲二至春秋致月爲二分皆時月無改論語莫春者浴
乎沂風乎舞雩明是夏正之辰月不知詩禮所云皆錯
舉民風歲令非同史官之記載也古者天子受命凡改
元頒祿朝覲會同諸大政皆以正朔行之至于分至啓
閉民事早晚如火見而致用水昏正而我日至而畢未
嘗不遵夏正呂東萊謂三正通于民俗斯言當矣蓋史
官紀時事則從周正月令紀歲功則從夏正二者並行
不悖又何疑于春秋乎天子因魯史而筆削之繫王于
正月之上則出夫子特筆若曰凡我所爲賞罰與奪者
皆奉行天子之事爾依蔡氏說則周之建于實與建寅
無異依胡氏說則夫子以陪臣
而翻然王制自爲有是理哉

社主

今文論語哀公問主于宰我張禹及包咸以爲廟主也
何休解公羊杜預注左傳並依此解古文論語以主爲

社孔安國鄭康成謂用其木以爲社主也孔穎達謂社主周禮謂之田主無軍稱主者故杜氏從包咸之說然則田主者社之木主也淮南齊俗訓云有虞氏社用土夏后氏社用松殷人社用石周人社用栗五經異義云論語夏后氏以松殷人以柏周人以栗謂社主也朱子云古者立社各樹其土之所宜木以爲主或問以木造主還是以樹爲主荅曰只以樹爲社主使神依焉如今人說神樹之類此說非是

鶴壽案史記三王世家引春秋大傳曰天子之國有泰社

東方青南方赤西方白北方黑上方黃將封者各取其物色裹以白茅封以爲社此之謂主土主土者立社而奉之也周禮大司徒設社稷之壇而樹之田主各以其野之所宜木遂以名其社與其野田主田祖之稱所宜

木謂以棲田祖之神名其社謂樹松即可以曰柏社也墨子云聖王建國營都必擇國之正適置以爲宗廟必擇木之修茂者立以爲最位最位者社稷也戰國策恒思有神叢蓋木之茂者神所憑也漢高祖初起兵蒞于豐之汾榆社在汾榆鄉社有大槐則民也社與鄉皆以樹名也山陽棠縣茅鄉社有主蔡邕所謂社皆樹槐矣慕容容就遷于龍城植松爲社主蔡邕所謂尊而表之使人望見則加畏敬也古文論語作問社故孔安國諸人謂以樹表社位非謂作社主也春秋文二年丁丑作僖公主公羊傳云虞主用桑練主用栗用栗者藏主也何休曰夏后氏以松殷人以柏周人以栗松猶容也想見其容兒而事之主猶戰栗謹敬兒主天正親而不遠主地正之意也栗者猶戰栗謹敬兒主天正之意也今文論語作問主故何休諸人謂以木作廟主亦竝不謂作社主也今案宗廟有屋其主可以木爲之社則壇而不屋以受霜露風雨若用木主豈能經久呂氏春秋謂殷人社用石鄭康成周禮注亦謂社主用石若使用木則匠人斷成之後孰辨其爲松爲柏爲栗而宰我乃曰使民戰栗邪朱子所謂以爲主者言見樹則知社神憑依于此耳

告朔餼羊

論語告朔餼羊鄭注諸侯告朔以羊則天子特牛焉見詩我將疏

伐木詩兼饗食燕禮

歐陽修詩本義云小雅伐木以逮諸父毛謂天子謂同姓諸侯曰父則此詩文王詩也伐木庶人賤事不宜爲文王詩且文王之詩雖令汎言凡人猶當以天子諸侯事爲主今每以伐木爲言是以庶人賤事爲主豈得爲文王詩案文王之詩言伐木何害若以此遂疑爲庶人詩則雅詩之中不當忽閒以一篇庶人宴飲之詩曲禮

云五官之長曰伯天子同姓謂之伯父異姓謂之伯舅
九州之長天子同姓謂之叔父異姓謂之叔舅據此則
此詩之稱謂其非庶人也明矣周禮地官舍人祭祀共
簋簋冬官疏云祭宗廟用木簋天地用瓦簋劉氏彝曰
簋八則籩豆倍之天子燕禮之數何氏楷曰禮有饗有
食有燕饗禮烹太牢以飲賓體薦而不食爵盈而不飲
食禮無樂有飯有殽設酒而不飲燕禮一獻之禮畢皆
坐而飲酒其爵無算也其樂無算也詩言肥牡肥豕是
用太牢則同于饗言陳饋八簋籩豆有踐是有飯有殽
則同于食言有酒湑我無酒酤我是無算爵坎坎鼓我

躡躡舞我是無算樂則同于燕據此則此詩之儀節其非庶人也又明矣

反坫

論語反坫明堂位反坫出尊崇坫康圭注云反坫反爵之坫也出尊當尊南也惟兩君為好既獻反爵于其上禮君尊于兩楹之間崇高也康讀為亢龍之亢又為高坫亢所受圭奠于上焉鶴壽案周書作維解云乃立五官太廟宗宮攷官路寢明堂咸有四阿反坫孔晁注反坫外向室也黃氏曰鈔引此以為反坫非反爵之坫豈兩君之好必欲容其儀衛之眾而為此向外向之室與據郊特牲以反坫與臺門相聯漢家書以此反坫與四阿相聯恐均為官室懽修之事今案王氏之說非也禮經言坫有四其一爾雅曰坫謂之坫疏云坫者堂角之東南隅曰東北西南隅曰西北是也

東姑見大射儀西姑見士冠禮自天子至庶人皆有之
其二內則曰大夫七十而有閤天子之閤左達五右達
五公侯伯于房中五大夫于閣三士于姑一疏云士卑
不得作閤但于室作土姑度食此士之老者度食之姑
大夫以上無之其三明堂位曰崇姑康圭注云為高姑
亢所受圭奠于上此天子受諸侯朝饗乃有之諸侯不
得用也以上三條與論語之姑無涉其四則反爵之姑
兩君相享于廟相燕于寢用之天子饗諸侯亦用之明
堂位所云反姑出尊是也君燕卿大夫則膳宰為土人
主人獻賓卒爵洗酢主人主人卒爵奠虛爵于序端主
人復取以獻介介卒爵洗酢主人主人卒爵奠虛爵于
西楹西主人復取以獻眾賓眾賓卒爵洗酢主人主人
卒爵降奠于篚此則論語所謂邦君為兩君之好有反
姑也方以智通雅凡坐土簋成臺可度物者皆謂之姑
而度物之姑亦有三一是度食者內則大夫于閣三士
于姑一閣木為之而高姑土為之而卑也一是度圭者
明堂位崇姑康圭陸氏謂姑崇則嫌或不安故謂之康
也一是度爵者明堂位反姑出尊方氏謂反姑者爵姑
也凡器仰之為正覆之為反反姑所以覆爵也故爵姑
謂之反然則度食者士之制而度圭度爵者乃天子諸

侯之制故曰斥其僭以明其不知禮黃氏疑爲大夫宮室之僭不知郊特牲臺門而旅樹反站雜記旅樹而反站鄭注俱以爲反爵之站案鄉飲酒禮尊于房戶閒賓主共之也燕禮尊于東楹之西唯君面尊惠必自君出也兩君相會則兩君皆當面尊故尊在兩楹閒而反爵之站在尊之南獻酬皆自尊而南出故曰出尊至站之制孔穎達謂築土爲之在兩楹閒近南尊在其北阮逸謂木爲之高八寸漆赤中然站字從土則孔說是也

天子諸侯各有三朝

據周禮天官宰夫閤人夏官司士太僕秋官小司寇朝士冬官匠人諸職之經注及疏禮記曲禮明堂位玉藻文王世子等篇之經注及疏并詩大雅緜篇論語鄉黨篇參攷之天子諸侯各有三朝一外朝二治朝三燕朝但天子五門自外向內數之一皋門二庫門三雉門四

應門五路門皋門內庫門外爲外朝朝士建其法小司
寇掌其政列三槐九棘設嘉石肺石致萬民而詢國允
國遷立君于斯斷獄訟于斯庫門內雉門外則右社稷
左宗廟不設朝雉門閤人掌其禁而又謂之中門以其
居五門之中設兩觀釋宮謂之闕豕宰謂之象魏一物
三名應門內路門外爲治朝司士正其位宰夫掌其法
而太僕正王之位王日視朝于斯路門內爲燕朝卽路
寢太僕正其位掌擯相而族人朝于斯圖宗人嘉事于
斯燕射于斯王日聽政于斯諸侯則三門庫門內爲外
朝雉門內爲治朝路門內爲燕朝無皋應魯亦無皋應

但庫門爲天子皋門制雉門爲天子應門制惟此爲異
以上諸文皆以康成說爲定天子外朝在庫門外朝士
注甚明而小司寇注云在雉門外雉本當作庫傳寫誤
作雉賈公彥所見本已誤賈不得回護幹旋之三禮義
宗及通典承誤作雉後人遂疑康成自相矛盾非也若
諸侯惟有三門自然外朝在庫門內與天子異矣曩予
欲解尚書顧命悉以研究而得其說若論語鄉黨入公
門章何晏集解惟于過位采包咸曰過君之虛位也朱
子集注亦惟于過位云位君之虛位謂當門屏之間人
君佇立之處皆語焉不詳然竝無舛誤汪武曹輯遺喜

齋四書大全讀本無端自生繆葛天子諸侯三朝之名
及其朝之所在武曹皆知之治朝燕朝對外朝言皆內
朝若以治朝對燕朝言則治朝亦外朝玉藻說諸侯之
事云朝服以日視朝于內朝羣臣辨色始入若日出而
視朝退適路寢聽政使人視大夫大夫退然後適小寢
此內朝卽治朝文王世子云公族朝于內朝臣有貴者
以齒其在外朝則以官此內朝是路寢之燕朝此外朝
卽治朝武曹亦皆知之乃云庫門內之外朝非君所常
御之朝故曰君之虛位惟國有非常之事然後御此致
萬民而詢謀焉此則誤以過位之位爲在庫門內之外

朝矣又云燕朝在路寢羣臣不從君入也蓋羣臣日所
常朝之地乃在治朝此章記夫子在朝之容則所謂攝
齊升堂者當必在此舊解誤以過位爲治朝而以升堂
爲路寢之內朝朱注位君之虛位若以此爲治朝則羣
臣方日朝于此何緣人君乃有虛位何緣不行朝禮而
反過之此則誤以升堂爲在治朝矣庫門內之外朝御
之詢萬民非常之事蓋臨期始特設位平居固無所謂
虛位者何過之有視朝之儀臣先君入君出立于路門
之左偏揖羣臣

揖者推手稍前非若今人之揖也今人之揖古謂之肅拜

則朝禮畢

于是君退適路寢總政諸臣至官府治事處治文書王

朝有九室諸侯之朝左右亦當有室如議論政事君有
命臣有進言則于內朝太宰所謂贊聽治者于治事處
贊之非謂揖羣臣時也鄉黨記夫子在朝之容于入門
之履闕下將常朝一節略過不敘想常朝君既揖臣臣
亦必肅拜而君臣皆未必交言斯時卽在他人亦無不
肅敬故略不敘過位升堂皆敘旣朝以後事朝禮畢君
已退入路寢故門屏間有虛位也古者外朝治朝皆有
門無堂階平地爲廷江慎修曰古官室之制堂必築土
崇高廟寢皆有之有堂卽有階論
語攝齊升堂謂路寢內朝士相見禮君在堂升見無方
階燕禮公升卽席壺弓杜預入寢歷階而升是也若路
門外治朝庫門外外朝皆平地爲庭無堂無階故謂之
朝廷廷者庭中也曾子問諸侯旅見天子雨雪服失容

則廢明在庭中也聘禮使者受命于朝及司士朝士等
職言治朝外朝皆無升階之文又人君出入乘車登車
于路寢西階之前下車于作階之前見春官樂師鄭注
鄭本之尚書大傳蓋治朝外朝皆無堂階故可乘車出
人又聘禮使者夕幣于朝時管人布幕于寢門又治朝
外君朝服出門左亦可見路門外是平庭無堂又治朝
君立門屏閒則中庭左右羣臣各有位若燕朝則異姓
之臣啓事畢即出無位于庭中或疑復其位爲路門內
燕朝庭中諸臣之位亦非此處公族方有位異姓臣惟
燕得列位于此孔安國云復其位即復過門屏閒君之
虛位疑是丙午江南鄉試朱侍郎珪爲考試官以過位
二節命題積學者多獲售焉并作題解以示人極其典
核鶴壽案三朝之制度自汪武曹誤言之江慎修先生
鄉黨圖考已辨正矣然尚有小誤天子三朝止有皋

應路三門並無庫雉二門則謂天子五門者非也諸侯
三朝則有庫雉路三門而無皋應二門蓋門無虛設天
子外朝在皋門之內治朝在應門之內燕朝在路門之
內諸侯外朝在皋門之內治朝在雉門之內燕朝亦在
路門之內有一門即有一朝舊說天子有五門外朝在
皋門內庫門外則自庫門至雉門中閒無朝而門為虛
設矣不知天子之宮城周以牆闕其南面為應門應門
之外外朝在焉又其南為皋門諸侯之宮城周以牆闕
其南面為雉門雉門之外外朝在焉又其南為庫門此
則江氏所未明言也燕禮異姓之臣朝于路寢庭中亦
各有其位平時復逆若者有同入內朝者言畢先退則復
路寢庭中之位俟同入者退然後偕出孔安國之說非
是

爾雅釋宮門屏之間謂之宁郭注人君視朝所宁立處
說文宁字部首云辨積物也人部新附宁字注久立也
然則宁為辨積物疑與貝部貯字同而宁立之宁因古

無佇字假借用之

蔡清四書蒙引云門屏之間閒字亦要分明屏之外門之內也天子外屏其屏在路門外諸侯內屏其屏在路門內則中立之處天子當在門外屏內諸侯當在屏外門內又古今之制不同今之朝儀用秦制也古者朝會君臣皆立故孟子謂舜南面而立史記謂秦王一旦捐賓客而不立朝愚謂君臣皆立是矣但周禮春官司几筵大朝覲大饗射封國命諸侯賈疏以爲此經所云王皆立不坐旣立又于左右皆有几故鄭注太宰云立而設几優至尊賈疏是說燕朝治朝君位在門屏閒燕朝

則若位在堂上戶牖間二者皆不坐惟室中乃坐此則
恐蔡所不知又王在門外屏內既有屏蔽羣臣何由仰
觀天顏蔡說似亦非疑諸侯在門內屏外天子亦在門
內屏外鶴壽案天子外屏當在路門外之極南近應門
處自屏以北爲天子羣臣每日朝見之地諸侯
內屏當在路寢庭之極南近路門處自屏以北爲公族
朝見之地其每日視朝則出路門而立於門外蔡清謂
諸侯立之處在屏外門內非也先生謂天子諸侯皆
立於門內屏外更非也至于天子諸侯之燕朝朝時
亦皆立于庭中燕禮云小臣納卿大夫卿大夫皆入門
右北面東上士立于西方東面北上公南卿爾卿卿西
面北上爾大夫大夫皆少進此諸侯燕朝之位在堂下
者天子亦如之乃先生謂君位在堂上戶牖間豈據明
堂位天子負斧依南鄉而立故云爾乎但所謂負斧依
者亦是在庭中選負之豈必立于戶西牖東之閒哉

拜下

論語拜下邛曷用燕禮覲禮分疏燕禮公坐取大夫所
媵鬴與以酬賓賓降西階下再拜稽首公命小臣辨賓
升成拜覲禮天子賜侯氏以車服諸公奉篋服加命書
于其上升自西階東面太史氏右侯氏升西面立太史
述命侯氏降雨階之閒北面再拜稽首升成拜大全輔
氏說燕禮于酬賓下脫賓字既極疏謬覲禮直云侯氏
拜賜亦如之案曲禮天子當依而立諸侯北面而見天
子曰覲則受賜降拜皆北面非如朝禮之諸公東面諸
侯西面也何得以北面再拜稽首與燕禮之西階下再
拜稽首混而爲一夫子曰吾從下計夫子生平不容有

觀禮儀禮鄭目錄燕有四等諸侯無事而燕一也卿大夫有王事之勞二也卿大夫有聘而來還與之燕三也四方聘客與之燕四也凡此諸禮皆夫子之所有宜從皇侃疏專主燕禮說為是或壽案古無無故而拜之禮或拜受命或拜受賜皆先拜于堂下堂下拜訖而君辭之若未成然復升堂再拜稽首以成之故曰升成拜燕禮公坐取大夫所勝解云云是也亦有不言升成拜者公命徹幕皆降西階下北面東上再拜稽首公命小臣辭公答再拜注云小臣辭不升成拜明雖醉正臣禮也亦有言升不拜而命之成者公拜至賓降西階東北面答拜公降一等辭賓栗階升不拜命之成拜階上北面再拜稽首注云升不拜者自以已拜也賓降拜主君辭之賓雖終拜于主君之意猶為不成疏云主君意猶以為不成而命之升成拜賓遂主君之意故更拜也拜下是臣禮升成拜是賓禮玩燕

明禮自

樹塞門

論語邦君樹塞門曲禮疏云天子外屏諸侯內屏卿大夫以廉士以帷外屏門外爲之內屏門內爲之邦君樹塞門是也明堂位疏屏注云屏謂之樹今桴思也疏云屏謂之樹釋宮文漢時謂屏爲桴思解者以爲天子外屏人臣至屏俯伏思念其事案匠人注云城隅謂角桴思也漢時東闕桴思災以此諸文參之則桴思小樓也故城隅闕上皆有之然則屏上亦爲屋以覆屏牆故稱屏曰桴思或解屏卽闕也古詩云雙闕百餘尺則闕于兩旁不得當道與屏別也闕雖在兩旁但對近道大略

言之亦謂之當道故識云代漢者當塗高謂魏闕也如
鄭言屏與闕異鶴壽案論語蕭牆鄭注蕭之言蕭也君臣相見之禮至屏而加蕭敬焉是以謂之蕭牆金仁山謂屏以限內外蕭疏可通望今案蕭牆即對塞門也鄭謂蕭敬固然金謂蕭疏通望亦本諸明

虞夏商周朝禮

虞時朝禮舜典云五載一巡守羣后四朝鄭注四朝四季朝京師也巡守之年諸侯見于方岳之下其閒四年四方諸侯分來朝于京師歲徧鄭意天子巡守之明年東方諸侯春季來朝京師又明年南方諸侯夏季來朝又明年西方諸侯秋季來朝又明年北方諸侯冬季來朝

朝又明年則天子復巡守矣孝經鄭注諸侯五年一朝天子天子亦五年一巡守熊氏以爲虞制諸侯之朝分爲四部四年乃徧總是五年一朝天子乃巡守夏殷朝禮經無明文惟春秋文十五年傳云諸侯五年再相朝以修王命古制也鄭志孫皓問諸侯五年再相朝不知所合典禮荅云古者據時而道前代之言虞五載一巡守夏殷六年一巡守諸侯閒而朝天子其不朝者朝罷朝五年再朝似如此制依鄭志則夏殷天子六年一巡守其閒諸侯分爲五部每年一部來朝天子朝罷還國其不朝者朝罷朝諸侯至後年不朝者往朝天子而還

前年朝者今既不朝又朝罷朝諸侯是再相朝故云朝
罷朝此鄭因左傳所言諸侯自相朝以推夏殷諸侯朝
天子之禮也周時朝禮春官大宗伯春見曰朝夏見曰
宗秋見曰覲冬見曰遇時見曰會殷見曰同秋官大行
人春朝諸侯而圖天下之事秋覲以比邦國之功夏宗
以陳天下之謨冬遇以協諸侯之慮時會以發四方之
禁殷同以施天下之政侯服歲壹見其貢祀物甸服二
歲壹見其貢嬪物男服三歲壹見其貢器物采服四歲
壹見其貢服物衛服五歲壹見其貢材物要服六歲壹
見其貢貨物十有二歲王巡守殷國大宗伯注云六服

之內四方以時分來或朝春或宗夏或覲秋或遇冬名殊禮異更遞而徧時會者言無常期諸侯有不順服者王將有征討之事則既朝覲爲壇于國外合諸侯而命事焉殷猶衆也十二歲王如不巡守則六服盡朝朝禮既畢亦爲壇合諸侯以命政焉殷見四方四時分來終歲則徧大行人注云六服去王城三千五百里相距方七千里公侯伯子男封焉其朝貢之歲四方各四分趨四時而來或朝春或宗夏或覲秋或遇冬賈疏以爲六服以六數來朝春東方六服當朝之歲盡來朝夏南方六服當宗之歲盡來宗秋西方六服當覲之歲盡來覲

冬北方六服當遇之歲盡來遇若殷見曰同春則東方
六服盡來夏則南方六服盡來秋則西方六服盡來冬
則北方六服盡來終歲則徧蓋朝覲宗遇者朝之正禮
也時見殷見者朝之變禮也虞制簡質未以道里遠近
爲差故羣后四朝但以四方分爲四年至周立法愈密
故有服數之分若殷見則必十二年王有故不得巡守

乃行之

鶴壽案鄭注云舜時五載一巡守其間四年四
方諸侯分來朝于京以歲徧蓋謂每歲分四時

而迭來故稱歲徧朱子則曰巡狩之明年東方諸侯來
朝云云此與大行人侯服歲壹見一例其說比鄭氏爲
長而先生移作鄭意其如歲徧二字何鄭志云夏殷之
禮六年一巡守諸侯間而朝天子孔穎達謂分爲五部
每年一部來朝蓋舜時分爲四部四歲而徧合巡守之
年爲五夏殷分爲五部五歲而徧合巡守之年爲六此

說與鄭注異與朱子同蓋必掄年來朝方近情理否則
國君道長矣周制六服分爲六年大行人所謂侯服歲
壹見者亦是從巡守之明年起六服掄年來朝耳乃陳
用之謂周官之制因地以辨服因服以制朝因朝以入
貢則遠者不疏邇者不數侯服每歲朝甸服二歲朝男
服三歲朝采服四歲朝衛服五歲朝要服六歲朝而要
服朝之歲五服盡朝于京師則侯服更六見甸服更四
見男采衛各二見矣書曰六年五服一朝而不及要服
者以其當朝之年而不數之也又六年王乃時巡則從
王巡守各會于方岳矣叔向曰明王之制歲聘以志業
閒朝以講禮再聘而會以示威再會而盟以顯昭明先
儒以爲閒朝在三年再朝在六年再會在十二年而再
朝再會之年適與書合則叔向以爲明王之制乃周制
也然三年一朝男服之禮耳叔向特爲男服而言何邪
攷之周禮諸侯春八貢秋獻功此之謂歲聘服之見有
歲方之見有時此之謂閒朝朝有常歲而會盟無常期
故有事而會不協而盟則同疏于朝而盟又疏于會此
所以言再朝而會再會而盟非謂會必六年朝必十二
年也然則六年盡朝于京師與有事而會者異矣大宗
伯殷頌曰覲鄭氏謂殷頌者一服朝之歲以朝者少諸

侯使卿以大禮衆聘焉一服朝在元年七年十一年賈
氏謂旬服二年四年六年八年十年朝男服三年六年
九年朝采服四年八年朝衛服五年十年朝而元年七
年十一年旬服采衛皆不朝矣故知一服朝在元年七
年十一年也然觀康王即位太保率西方諸侯入應門
左畢公率東方諸侯入應門右各執壤奠成進陳戒則
天下諸侯莫不盡朝矣自此侯服歲一見旬服二歲一
見以至三歲四歲五歲六歲一見者皆以元年爲始未
聞有元年獨一服朝也大行人殷類之禮以除邦國之
國有惡諸侯乃使其臣行衆類之禮則衆類亦無常期
此鄭賈立說之誤也今案書之五服一朝與周禮侯服
歲一見以下竝無二法而孔疏強分之左傳歲聘間朝
再朝而會再會而盟與書之六年一朝竝非一法而孔
疏強合之陳用之調停其說謂要服朝之歲五服盡朝
于京師然六服盡朝惟十二年王不巡守乃有之書言
六年五服一朝者謂六服遠近六年而偏非謂五服盡
朝也且男之于采采之于衛相距各五百里其遠近不
等故有三歲四歲五歲之限今如陳用之說則六年之
內既有當朝之期又有盡朝之期采服雖云四歲見衛
服雖云五歲見實與男服之三歲見者等豈所謂因地

以辨服因服以制朝者乎陳氏又引康王之誥以駁鄭氏元年一服朝之說不知六年一朝十二年一巡守論六服之朝期當以巡守之明年爲始鄭所謂元年一服朝者正謂巡守之明年侯服來朝乃十二年中之第一年非以是爲卽位之元年也六服分歲而朝者禮之常故可以年計因卽位而五服盡朝者非禮之常不可以年計也又魯語云四方諸侯五年中四王一相朝卽所謂五服一朝也而周禮則曰六年五服一朝者蓋荒鎮蕃統于要服來朝于第六年而五服諸侯則已于第五年朝偏矣此第六年本夏殷時巡之歲周則又六年五服已再朝然後王乃一巡焉此其異于虞夏殷者也

周之朝禮異說頗多其最著而當辨者凡二條晚晉古文周官篇云六年五服一朝又六年王乃時巡諸侯各朝于方岳案周之諸侯各依服數來朝竝無六年一朝之事惟昭十三年傳叔向云明年之制使諸侯歲聘以

志業閒朝以講禮再朝而會以示威再會而盟以顯昭
明杜預以爲歲聘三年一朝六年一會十二年一盟凡
八聘四朝再會王一巡守孔疏據此以爲六年一會與
周官六年五服一朝事相當也再會而盟與周官十二
年王乃時巡諸侯各朝于方岳亦相當也明周有此法
大行人所云見者皆言貢物或可因貢而見何必見者
皆是君自朝乎大宗伯所云時見曰會何必不是再朝
而會乎殷見曰同何必不是再會而盟乎愚謂叔向之
言但泛述明王之制而許慎直以爲周禮已未足信況
曰會曰盟豈定是朝再朝再會亦未明言幾年服虔賈

達以爲朝天子之法崔氏以爲朝霸主之法衆說紛紛
迄無定論而鄭康成直以爲說無所出不知何代之禮
穎達傳曾爲與周官相當豈可爲據至大行人所云見
者卽大宗伯春見夏見之見明係朝之正禮今欲仲周
官而強指爲因貢而見之變禮大宗伯所云會同者卽
大行人所謂時會殷同明係在朝宗覲遇外之變禮今
欲牽合周官而強指爲朝之正禮此皆紕繆之尤者王
制云諸侯之于天子也比年一小聘三年一大聘五年
一朝鄭注小聘使大夫大聘使卿朝則君自行此晉文
霸時所制也昭三年傳鄭子太叔曰昔文襄之霸也其

務不煩諸侯令諸侯三歲而聘五歲而朝公羊說竝同
故鄭以為晉文霸時所制許慎謬以此為虞夏之法而
熊氏從之鄭駁異義云大行人諸侯各以服數來朝三
年聘五年朝文襄之霸制錄王制者記文襄之制耳非
虞夏法也其天子與諸侯相聘之禮及諸侯自相朝聘

之禮經傳亦各不同此不更及鶴壽案周禮大宗伯時

時聘無常期天子有事乃聘之焉竟外之臣既非朝歲

不敢瀆為小禮殷頌謂一服朝之歲以朝者少諸侯乃

使卿以大禮眾聘焉一服朝在元年七年十一年賈疏

諸侯聞天子有征伐之事則遣大夫來問天子時聘遣
大夫不使卿一服朝之歲諸侯既不自朝使卿來聘天
子侯服年年朝甸男采衛要五服元年七年十一年無
朝法皆使卿以大禮聘也案十二年中卿大聘三大夫
小聘無定數此諸侯聘天子之制也天子于諸侯有問

無聘大行人閒問以諭諸侯之志又云王之所以撫邦國諸侯者歲徧存三歲徧類五歲徧省鄭注存類省王使臣于諸侯之禮所謂閒問也春秋書王室下聘者七非中也又云凡諸侯之邦交歲相問也殷相聘也鄭注殷中也久無事又于殷朝者及而相聘也此諸侯交聘之制也若王制所謂比年一小聘三年一大聘左傳所謂三歲而聘此則伯主之制于古未之聞也

殷國

秋官大行人十有二歲王巡守殷國掌客王巡守殷國則諸侯膳以牲犢夏官職方氏王之所行先道帥其屬而巡戒令王殷國亦如之巡守殷國是兩事蓋十二年巡守其常也十二年而天子不能巡守則行殷國之禮其變也鄭注甚明王次點訂義載李氏說乃云殷衆也

謂當方諸侯則以巡守殷國爲一事矣此經上文于朝
觀宗遇下明云時會以發四方之禁殷同以施天下之
政注云時會卽時見也無常期諸侯有不順服者王將
有征討之事則旣朝王命爲壇于國外合諸侯而發禁
命事焉殷同卽殷見也王十二歲一巡守若不巡守則
殷同殷同者六服盡朝旣朝王亦命爲壇于國外合諸
侯而命其政殷同四方四時分來歲終則徧矣然則殷
乃朝之一法鄭注云如平時賈疏復申之云若六服盡
來卽與平時別者六服盡來不分四時此時會也雖不
案服數而東春南夏西秋北冬四方分來此殷同也時

會乃因王有征伐行之則非常之事故六服盡來殷同特以代巡守故不必一時皆集義各有當耳

執圭

論語執圭朱子云圭諸侯命圭未免蒙混邢疏引大宗伯云公執桓圭侯執信圭伯執躬圭子執穀璧男執蒲璧此皆朝覲宗遇所用其公侯伯朝后用璋子男既朝王用璧朝后宜用琮其上公享天子圭以馬享后璋以皮侯伯子男享天子璧以帛享后琮以錦其諸侯相朝所執與天子同享玉皆以璧享君以琮享夫人子男相享則降用琥以繡璜以黼其諸侯之臣聘天子及聘諸

侯聘玉享玉皆降其君瑞一等故玉人云琢圭璋八寸
璧琮八寸以頌聘是也此方是執圭之圭

鶴壽案此等顯而易見本

不待雜江氏鄉黨圖攷亦已辨之矣

聘禮掌客不同

蔡德晉曰樂史疑聘禮篇所記賓行饗餼之物米禾芻
薪之數遵豆簋簠之實鉶壺鼎甕之列攷與周官掌客
不同然傳云禮從宜又云禮之大倫以地廣狹禮之厚
薄與年上下可知遵豆器數必有因時制宜之法是以
聖人欲觀其會通以行其典禮三禮所言不同處甚多
不得以此而議儀禮也

樂說見章俊卿山堂攷索

攝主

禮記明堂位昔者周公朝諸侯于明堂之位天子負斧依南嚮而立鄭注周公攝王位天子卽周公又武王崩成王幼弱周公踐天子之位以治天下七年致政于成王尚書大誥篇首王若曰鄭注王謂攝也周公居攝命大事則權代王也康誥王若曰鄭意亦指周公蓋古有攝主禮記曾子問篇曾子問君薨而世子生如之何孔子曰卿大夫士從攝主北面于西階南太祝裨冕執束帛升自西階盡等不升堂命母哭祝聲三告曰某之子生敢告升奠幣于殯東几上云云然則古者君薨世子

未生亦有攝主況世子已生但幼弱何害有攝主也隱
元年左傳春王正月杜注隱不卽位攝行君事據公羊
傳桓尊隱卑是隱公亦攝主也哀三年左傳季孫有疾
命正常曰南孺子之子男也則以告而立之女也則肥
也可季孫卒康子卽位旣葬康子在朝南氏生男正常
載以如朝告曰夫子有遺言命其圉臣曰南氏生男則
以告于君與大夫而立之今生矣男也敢告遂奔衛康
子請退公使其劉視之則或殺之矣然則季康子之卽
位亦攝主也要之觀隱公之攝不自成爲君反爲羽父
所弑季桓子欲立南氏之子使康子攝而其子被殺則

知此禮在春秋已不可行何況秦漢以下然漢姓劉王莽自姓王何得自託于周公且說經者亦何得以後世情事揣量三代而謂周公無攝位之事也蔡沈于康誥王若曰不肯以王屬周公無奈下有朕其弟小子封斷非成王之語不得已遂以康誥爲武王所作康叔之封衛乃武王時試思三監與武庚叛滅之方以封康叔當武王時紂之故都武庚居之安得卽以封康叔且左傳甯俞祝鮀皆言成王周公作康誥命康叔封于衛亦不足信乎至禮記陳澧集說引石梁王氏及劉氏說以駁明堂位又何足辨

鶴壽案周公攝主凡七年劉歆三統統云周公攝政五年正月丁巳朔旦

冬至入孟統二十九章首也後二歲得周公七年復于
明辟之歲十二月戊辰晦周公反政成王元年正月己
巳朔此命伯禽俾侯于魯之歲也是時成王在位己八
年矣以前七年爲周公攝主之年故以是歲爲元年金
仁山通鑑前編以攝主之七年歸于成王而以命伯禽
事移于攝主之一年獨不思是歲正月何嘗己巳朔邪

蛾術編卷六十九終

蛾術編卷七十

嘉定王西莊先生原本

吳江

迮鶴壽參校

沈楫惠校刊

說制八

黃衣狐裘

論語黃衣狐裘邢疏大蜡息民之祭服案郊特牲蜡也者索也合聚萬物而索饗之也又云黃衣黃冠而祭息田夫也此蜡後臘祭也蜡祭先嗇司嗇農郵表啜貓虎坊庸昆蟲凡八臘祭先祖五祀蜡以息物臘以息民蜡用皮弁素服爲物老而將終臘用黃衣狐裘象草木黃

落同在十二月而各不同但蜡與臘對言之則有別總

言之則皆蜡故疏云大蜡息民之祭服鵠壽案黃衣狐裘息民之服也

與大蜡無涉大蜡用皮弁服皮弁者以白鹿皮為冠以

十五升布為衣以素為裳緇帶素鞶白屨若息民之祭

則用韋弁服聘禮注云韋弁韋之弁蓋韋布以為衣

而素裳司服注云韋弁以韋為弁又以為衣裳春秋

傳曰晉卻至衣韋韋之附注是也與聘禮注互異故疏

以為無正文也采芑箋云韋弁服朱衣裳亦不言素裳

陳用之謂周禮有韋弁無爵弁禮記有爵弁無韋弁士

之服止于爵弁而荀卿曰士韋弁梅賾曰崔韋弁也劉

熙曰以爵韋為弁謂之韋弁則爵弁即韋弁耳觀弁師

司服韋弁先于皮弁尚書崔弁先于綦弁士冠禮次加

皮弁三加爵弁而以爵弁為尊聘禮服皮弁及歸饗餼

服韋弁而以韋弁為敬則皮弁之上非爵弁即韋弁故

知其為一物也教繼公謂韋弁服純衣纁裳韋弁給纁屨

然則爵弁之曰韋弁猶之皮弁之曰綦弁也而亦有微

異爵弁用緇衣韋弁用韋衣爵弁韋弁之衣不同猶之

朝服元端之裳不同故有二名耳玉藻云狐裘黃衣以

湯之注云黃衣大蜡時臘先祖之服也周禮以歲十有二月合聚萬物而索饗之謂之蜡其服皮弁素服既蜡則臘先祖五祀勞農以休息之謂之臘亦謂之息民其服黃衣黃冠又司服云凡兵事韋弁服詩羔羊疏云兵事韋韋服則用黃衣狐裘春秋傳臧之狐裘敗我于狐駘是也黃衣狐裘常棘二者言之

表而出之

論語衾絺綌必表而出之古者衾絺綌不入公門嫌于

褻也故著絺綌于內外加禮衣表而出之朱子謂表絺

綌而出之于外反以絺綌爲美觀乎若云不見體則外

加禮衣更不見也

鶴壽案緇衣羔裘一節是記冬日之

人服絺綌與服裘同皆先著親身之裏衣其外冬則加裘夏則加絺綌春秋則加衾褶又其外加裼衣裼衣卽中衣也平時則但衣中衣有事則再加正服衾絺綌者未有無親身之裏衣亦未有無中衣者也孔安國曰表

而出之加上衣也上衣即指裼衣不是指正服蓋謂以
裼衣表締綌而著其色如締綌黑則加緇衣締綌白則
加素衣締綌黃則加黃衣表裏相稱故曰出之玉藻云
振締綌不入公門表裏不入公門可知締綌對裘言不
是對裼衣言振與表皆指不加裼衣也何以知締綌有
緇有白有黃曰夏曰而朝祭則宜緇夏曰而聘與肥朝
則宜白夏曰而即戎則宜黃蓋朝祭用爵弁服聘與視
朔用皮弁服即戎用韋弁服冬夏所同則締綌之色亦
必與之相稱

寢衣

論語寢衣孔曰今之被也又見說文即引論語爲證朱
子云別有寢衣又以爲齋時所用改入下文齋必有明
衣布之下非也

扱地

士昏禮婦拜扱地鄭注扱地手至地也婦人扱地猶男子稽首賈疏手至地則首不至手空首拜頭至手所謂拜手也蓋婦人之拜從無首至地者以手至地爲至重矣男子則有首至手爲拜手又有首至地爲稽首稽首禮之極重者惟臣于君行之哀十七年傳非天子寡君無所稽首諸侯小事大當不稽首若洛誥王拜手稽首則君以施之臣蓋答其拜手稽首而受其言周公成王親叔父謂有異也僞古文尚書太甲于伊尹亦行之則非矣鶴壽案士昏禮之扱地卽少儀之手拜也又卽太祝之空首也少儀婦人有肅拜手拜注云肅拜拜低頭手拜手至地疏云手拜之法手先至地頭來至手猶男子之稽首矣然則扱地者古之手拜也太祝九拜

一曰稽首二曰頓首三曰空首說文稽與頓皆言下首不言至地荀子大略篇平衡曰拜下衡曰稽首至地曰稽顙平衡謂頭與腰平下衡謂頭下于腰則稽首頓首皆不至地惟稽顙觸地耳公羊傳齊侯唁昭公公再拜類及致禋于從者公再拜稽首何休曰顙者猶叩頭則稽首非叩頭矣凡拜皆以手爲容賈誼容經曰拜以啓折之容吉事上左凶事上右隨前以舉項衡以下肅速無遲背項之狀如屋之覆謂稽首也商書拜手稽首爲孔傳云拜手首至手蓋手先據地首乃至手是手與首俱至地其實手在地首在手故拜手稽首連言之康成謂空首者頭至手是謂拜手孔賈皆謂臣子君則稽首平欬則頓首君于臣則空首非也昔穆王賜高奔戎佩王一隻奔戎再拜稽首賜許男駿馬十六許男降再拜空首是空首猶稽首也秦哀公賦無衣申包胥九頓首而坐則頓首非獨行之

吳孟子

論語昭公娶吳謂之吳孟子桐城江有龍曰吳孟子昭

公自謂也魯人亦諱之故曰諱國也公與魯人所諱者
姓不諱吳也故坊記曰娶妻不娶同姓以此坊民魯春
秋猶去夫人之姓曰吳孔疏云依春秋之例當云夫人
姬氏至自吳魯則諱其姬姓而但曰吳也哀十二年書
孟子卒左傳曰昭公娶于吳故不書姓公穀皆曰諱娶
同姓論語古注朱子集注皆不言諱吳陳際泰謂孟子
爲昭公之稱吳字是國人所加因以甚昭公之罪未玩
坊記文也後人竝謂夫子修春秋削去吳字不知春秋
定例凡書夫人卒皆不稱國

呼妻兄弟爲舅

新唐書朱延壽傳楊行密妻延壽之姊行密呼爲舅通
鑑作三舅延壽行三也張唐英蜀檇王王建永平元年
周德權建之妻弟從建入蜀梁祖旣篡德權上表引識
文勸稽合天命仰膺寶籙建大悅曰成我者叔舅也大
抵此稱起于唐宋五代

吉服

春官司服掌王之吉服吉服有九冕服六弁服三祀昊天則大裘而冕享先王則衮冕享先公饗射則鷩冕祀四望山川則毳冕社稷五祀則絺冕羣小祀則元冕兵事韋弁服眡朝皮弁服凡甸冠弁服對喪言故云吉非

指吉禮九者中有兵事眡朝凡甸皆師田之事非吉禮
自祀天至羣小祀六服不同而冕同首飾尊也然冕名
雖同旒數則異夏官弁師注大裘之冕無旒而聶崇義
云衮冕十二旒鷩冕九旒毳冕七旒絺冕五旒元冕三
旒疏云凡冕服皆元衣纁裳者六服皆然故云凡以該
之易繫辭黃帝堯舜垂衣裳蓋取諸乾坤乾爲天其色
元坤爲地其色黃但土無正位託于南方火赤色赤與
黃卽是纁色故以纁名之夏官弁師掌王之五冕注冕
服有六而言五冕者大裘之冕無旒馬貴與曰冕之無
旒者乃一命之服子男之大夫服之其秩至卑以天子

祀天之冕而下同子男之大夫可乎不知先王制禮推
移變化不可執一鄭司農注司裘謂服黑羔裘以祀天
示質也則無旒亦示質之意陳用之曰司服之服六而
弁師之冕五者大裘袞衣同冕猶后首飾同副也其意
以爲祭天亦服龍袞特內襲大裘而宗廟之祭則龍袞
內無袞故以大裘而冕在袞冕之前但如此則大裘袞
衣不可分爲二服而服與冕皆止五矣王明齋曰五冕
者五服之冕非冕有五也案賈疏云冕名雖同旒數有
異彼屨人掌服屨之制甚詳豈冕爲首服反混焉無別
乎貴與則曰郊特牲祭之日王被袞以象天玉藻天子

龍衮以祭家語曰郊之日天子大裘以輔之被裘象天
既至泰壇王脫裘矣服衮以臨燔柴戴冕藻十有二旒
象天數也案龍衮以祭自指祭先王之服郊特牲所言
被衮象天康成以爲魯以日至之月郊天之事周衰禮
廢儒者見周禮在魯因推魯禮以言周事耳家語大裘
以輔之本係黼字故王肅注云大裘爲黼文也貴與誤
讀爲輔遂謂大裘乃輔此龍衮者因創爲脫裘服衮之
說陋矣終當從鄭無旒之說鶴寺案冕服之制諸儒不
以鄭注爲然戴東原曰虞
夏以來冕服十二章鄭謂王者相變至周而以日月星
辰畫于旌旒而冕服九章登龍于山登火于宗彝余以
爲周之祭服宗廟所用九章而止至于郊祀何必廢十
二章也衣之舉衮猶裳之舉黼黻皆以其文特顯而龍

章為至煥則不言加日月于上無嫌以袞目之大袞不言袞其餘冕服不言袞五文錯見也玉藻疏云六冕之袞皆黑羔裘也余以為祭服自天子至于士同羔裘其袞之袞衣以元舊說大袞之冕無旒司裘疏引鄭志大袞之上有不袞其與袞同色而以為其服無章失其傳也記稱大袞不袞其有袞衣而加袞明矣是故冕服十有二章纁十有二旒是為大袞之冕冕服九章纁九旒謂之袞冕冕服七章纁七旒謂之鷩冕冕服五章纁五旒謂之毳冕冕服三章纁三旒謂之毳冕冕服一章在袞謂之元冕無旒周禮稱公之服自袞冕而下如王之服侯伯之服自鷩冕而下如公之服子男之服自毳冕而下如侯伯之服孤之服自布冕而下如子男之服卿大夫之服自元冕而下如孤之服布冕而下如子男之服經逸言相如明冕服之章冕纁之旒不異也凡諸侯受爵命于王王賜之服因得以如其命數自為之所謂裋冕天子裋冕玉藻諸侯元端以祭裋冕以朝端讀為冕鄭謂諸侯非二王後其餘皆元冕而祭于已孫叔然謂元冕祭服之下也其祭先君亦裋冕矣余以為王之太祭服大袞袞中祭服鷩冕纁小祭服布冕元冕享先公亦大祭而鷩冕何也士虞

記云尸服卒者之上服天子廟享尸服有衾冕驚冕之
殊則天子不敢一服衾冕諸侯君其國宜得伸上服然
尸服有弁冕之殊者亦不敢一服衾冕可知也冕爵弁
之衣皆元抑當云元衣以祭乎弁服之制先生前既引
之何以復不復言之韋弁服即爵弁服也周制大夫以
上冕士爵弁皆絲衣所謂純服亦曰元服士冠禮爵弁
服纁裳純衣緇帶緇韎韐韐韐也冕服則赤韎士昏
禮主人爵弁纁裳緇帶士弁而親迎然則大夫以上親
迎以衾冕與或曰衾亦韎之異名也論語加朝服衾紳
是也蓋不可一同祭服之韎故以相別異耳聘禮君使
卿韋弁鄭謂其服蓋韎布以為衣而素裳周禮凡兵事
韋弁服鄭謂以韎韋為弁又以為衣而素裳如鄭君說色取
于韎無明文蓋傳合春秋傳言之詩稱韎韐有奭以作
六師春秋傳韎韋之附注即韎韐也天子曰視朝皮弁
服諸侯以爲視朔之服凡諸侯相朝聘亦如之記曰三
王其皮弁素積士冠禮皮弁服素積緇帶素鞶舊說其
衣十五升布此據諸侯朝服以為言蓋非也玉藻君衣
狐白裘錦衣以楊之論語素衣麕裘鄭皆以皮弁服為
之上衣記曰以帛裹布非禮也然則皮弁服以素明矣
異于重素者其領緣采也郊特牲祭之日王皮弁以聽

祭報天子諸侯前祭親聽誓命及待白祭事其裘蓋黼
裘天子之黼裘皮弁服諸侯其朝服與冠弁服即朝服
也緇衣十五升布而積素裳諸侯日視朝服之大夫以
爲祭服其冠委貌王服以田燕養老亦如之士冠禮主
人元冠朝服緇帶素鞶特牲饋食禮其祭也賓及兄弟
皆朝服元冠緇帶緇鞶經于士之朝服言元冠士以冠
異于大夫以上弁也玉藻羔裘豹飾緇衣以楊
之鄭以羔裘爲卿大夫之朝服惟豹飾緇衣以楊

祭墓

謝承後漢書建寧五年正月車駕上原陵蔡邕爲司徒
掾從上行到陵愾然謂同坐者曰聞古不墓祭魏文帝
黃初三年十月作終制曰禮不墓祭欲存亡之不黷也
魚豢曰孝明以正月旦百官及四方來朝者上原陵朝
禮是謂甚違古不墓祭之義韓昌黎豐陵行墓藏廟祭

不可亂三代舊制存諸書朱子則曰墓祭周禮已有攷之春官冢人大喪既有日請度甫窆遂爲之尸注云甫始也請量度所始窆之處爲尸者成葬爲祭墓之尸又凡祭墓爲尸注云祭墓爲尸請禱祈焉前一條乃祭墓地非祭死者之體魄後一條亦爲禱祈非常禮也檀弓有司以几筵舍奠于墓左注云舍奠墓左爲父母形體在此禮其神也冢人凡祭墓爲尸疏云此謂既窆後事孝子先反修廬有司以几筵及祭饌致于墓左禮地神也朱子誤認祭墓出于周禮謬矣漢建寧五年成陽靈臺碑云惟帝堯母昔者慶都仙沒蓋葬于茲欲人莫知

名曰靈臺上立黃屋堯所奉祠泰誓武王上祭于畢馬
融曰畢文王墓地名韓詩外傳曾子曰椎牛而祭墓不
如雞豚逮親存史記孔子世家孔子卒葬魯城北泗上
魯世世相傳以歲時奉祠孔子冢孟子子貢反築室于
場趙岐注場孔子冢上壇場東郭墻閒之祭者注云墻
閒郭外冢閒也以上諸條雖似班班可攷恐未可據爲
典要惟司馬彪續漢志云西都舊有上陵東都常以正
月上丁祀南郊北郊明堂高廟世祖廟畢以次上陵大
官上食太常樂奏食舉古今樂錄云章帝元和中
有宗廟食舉六曲加重來上陵二曲爲上陵食舉然則祭墓

實始于東漢矣

蜀志龐統傳注引襄陽記司馬懿謀造

威于漢魏以下樂府鼓吹曲漢饒歌十八曲有上陵今則士庶家通行之鶴壽案祭不欲數數則煩煩則不

敬祖先既祭之于廟矣而又祭之于墓不已煩乎故禮經從無祭墓之事成陽靈臺奉祠堯母慶都此出後人

所為武王之祭畢陌乃是有事告祭緯詩外傳謂堆牛而祭墓史記謂歲時奉祠孔子冢此皆漢人之書也于

貢築室于場是廬墓非祭墓齊之東郭墻間亦係戰國時求富貴者祈禱于祖宗邱墓安見其為正祭邪韓昌

黎分墓藏廟祭是也

號祝

春官太祝凡大禋祀則執明水火而號祝注云明水火

司烜所共日月之氣執之如以六號祝明此圭潔也疏

云執明水火而號祝明知六號皆執之明潔也號祝執

明水火明主人圭潔之德案上文辨六號曰神號鬼號
示號牲號齎號幣號謂東爲美稱若皇天上帝皇祖伯
某后土地元一元大武鄉合嘉玉量幣之類今太祝執
此明水火亦如六號更爲美稱以祝告于神明其圭潔
之意耳賈疏未達鄭意文義晦拙不可從明水火之號
今不可攷

哀子

朱子家禮載題木主之儀父喪稱孤子母喪稱哀子此
未知何據而今流俗相沿喪事簡帖于父稱不肖于母
稱不孝孝豈專屬母乎既遵朱子孤哀分屬父母竝喪

者稱孤哀子父在母亡者稱不孝哀子父亡母存者稱不肖孤子復覺其有不安也亦稱孤哀子而用小字旁注云奉母命稱哀哀乃待母命乎雜記云祭稱孝子孝孫喪稱哀子哀孫郊特牲云祭稱孝孫孝子士虞禮稱哀子卒哭祔祭乃稱孝子家禮題主在三月而葬時去卒哭尚遠父母俱當稱哀子朱子以孤哀分稱殊屬無謂至流俗之稱更欠通矣

孺悲

禮記雜記孺悲學士喪禮于孔子士喪禮于是乎書鄭注士喪禮已廢孔子以教孺悲國人乃復書而存之是

固大有功于禮者也論語求見辨疾事何晏不言見拒之故士相見禮疏云孺悲欲見孔子不由介紹故辨以疾此說甚明當日特因儀節有虧不見以觀其誠否何嘗謂其素行有玷擯之門外邪邢疏云有疾惡朱子云必有以得罪者過矣

宰我問喪

論語宰我欲短喪問夫子劉辰翁安齋記云予身游聖門在言語之科決不至薄其所厚試使三尺之童率然而請必不敢以曰安對而予安之豈獨無人心哉此小人所不敢安也然吾觀世之君子未嘗不爲宰予之所

安子乃獨以其言爲萬世笑此古人之所不隱也其使
後人無疑乎三年之喪則自子始此子意也此其在言
語之科也此說頗有意但至親以期斷三年特倍之耳
古人喪服本以期爲至重所以宰我有此問也皇侃疏
中已發夫子抑賢引愚微意而所引繆播謂宰我欲戒
將來假時人之論屈己明道李充謂宰我以喪禮漸衰
孝道彌薄起問以發其責則所益宏多皆與辰翁合

爲壽

案禮記三年間篇三年之喪二十五月而畢哀痛未盡
思慕未忘然而服以是斷之者豈不迭死有已復生有
節也哉此節言人子于所生父母然則何以至期也曰
至親以期斷此節言爲人後者父在爲母者然則何以
三年也曰加隆焉爾也焉使倍之故再期也此節復言
人子于所生父母鄭注甚明孔疏以至期一節亦屬人

子于所生父母非也所謂加隆者所生父母本應三年
但此諸為人後者之一期則加隆耳若使所生父母一
期可除將降而九月五月三月僅有四服不滿五服矣
先生據孔疏之說遂謂古人喪服本以期為至重所以
宰我有此問是率天下而短喪也不可以訓故曰將由
夫患邪淫之人與則彼朝死而夕忘之然而從之則是
曾鳥獸之不若也夫焉能相與羣居而不亂乎將由夫
修飾之君子與則三年之喪二十五月而畢若駟之過
隙然而遂之則是無窮也故先王為之立中制節壹
使足以成文理則釋之矣三讀禮文正與皇侃疏抑賢
引愚二義
互相發明

舊君服

孟子問舊君有服案檀弓穆公問于子思曰為舊君反
服古與子思曰古之君子進人以禮退人以禮故有舊
君反服之禮也今之君子進人若將加諸膝退人若將

隊諸淵母爲戎首不亦善乎又何反服之禮之有此與
孟子對宣王文意適同鄭注言放逐之臣不服舊君也
孔疏以爲喪服齊衰三月章爲舊君凡有三條其一爲
舊君君之母妻傳云仕焉而已者也注云謂老若有廢
疾而致仕者兼服其母妻其二大夫在外其妻長子爲
舊國君注云在外待放已去者傳云妻言與民同也長
子言未去也注云妻雖從夫而出古者大夫不外娶婦
人歸宗往來猶民也長子去可以無服此則大夫身不
爲服惟妻與長子之未去者有服其三爲舊君注云大
夫待放未去者傳云大夫去君埽其宗廟言其以道去

君而猶未絕也注云以道去君謂三諫不從待放于郊
未絕者言爵祿有列于朝出入有詔于國若已絕則不
服也